

2 October 2020

Diphatišišo tša Boleng bja Bophelo tša VI [(Quality of Life Survey VI)] (2020/21)

Thobela modudi yo a botegago wa Gauteng,

Mengwageng ye mengwe le ye mengwe ye mebedi, Gauteng City-Region Observatory – lesolotirišano la mohlakanelwa la Wits le Yunibesithi ya Johannesburg – e dira diphatišišo tša ‘Boleng bja Bophelo’. Re botšiša dipotšišo mabapi le dintlha tše di fapafapanego tše di re amago ka moka, go tloga go dinamelwa go ya go thuto le maikutlo go tša leago le tšhilafatšo – re leka go akaretša dintlha tše ntši ka moo re ka kgonago. Ngwaga wo, re tsene fase ka diphatišišo tša rena tša botshelela, gomme re tlile go boledišana le batho ba bagolo ba go feta 13 000 go akaretša Selete sa Toropokgolo ya Gauteng. GeoSpace International e sepetša dipoledišano legatong la GCRO. Dipoledišano ka moka di sepetšwa go ya ka tlhompho ya melao ye e beilwego ya tshepedišo ya COVID-19.

O kgethilwe ka tsela ya go se hlaolwe go kgonthišiša gore diphatišišo di tšweletša sebopego sa makgonthe sa bophelo mo Gauteng gomme re go laletša gore o arabe lenaneopotšišo la dinyakišišo leo le tla tšeago metsotso ye e ka bago ye 45 go fihla go iri e tee ya nako ya gago. Re tlile go go kgopela go fana ka tshedimošo yeo e go hlaolago, go swana le leina le aterese tša gago, tše di tla šomišetšwago fela merero ya taolo ya boleng. Re tla gatiša le ditšhupetšo tša GPS tša lefelo leo go swarelwago dipoledišano. Tshedimošo ka moka ye o re botšago yona e tla bolokwa bjalo ka sephiri se segolo. Morago ga go phetha dipoledišano ka moka, dikarabo di tla kgoboketšwa ka tsela yeo e sa tšweletšego maina a batho le gatee. Ga go dikholego tše o tla di hwetšago thwii ka go kgatha tema mo dinyakišišong tše, ebile o ka se kwešwe bohloko goba go hwetša dikotlo ka go se kgathe tema. O ka kgetha go se arabe potšišo efe goba efe, ebile o ka ikogela morago dinyakišišong nako efe goba efe. Re tlile go botšiša dipotšišo tše di tseneletšego kudu goba tše di go amago maikutlo, gomme ge e ba o itemogela kgakanego goba go se lokologe gofe goba gofe, re tla emiša goba ra khutšiša dipoledišano, goba ra tshela dipotšišo tše. Re go fa le lenaneo la maina a mekgatlo yeo e fanago ka maele le ntle le tefo le ditirelo tše dingwe.

Dipoelo tše di sa tšweletšego maina di tla hwetšagala phatlalatša, le go abelanwa le mmušo go thuša mmušo go dira dipeakanyetšo le go laola bokaone Selete sa Toropokgolo ya Gauteng. Diphatišišo tše di thekgwa ka mašelang ke mmušo wa profense le wa selegae, eupša GCRO ke senthara ya dinyakišišo ya yunibesithi yeo e ikemetšego, le gona re bolela seo se swanetšego go boletwa, go ya ka tshedimošo ye e hwetšwago diphatišišong. Diphatišišo tša rena tša peleng di bile le seabe se segolo kudu go kwešišeng dintlha seleteng sa toropokgolo ya rena, gomme re šomišitše tshedimošo go tšweletša dipego tša dinyakišišo, ditshedimošo tša datha le mebepe. Lengwalo le le sepela mmogo le mehlala ye mengwe le gona o ka etela wepesaete ya rena go www.gcro.ac.za go hwetša dipoelo tša peleng tša diphatišišo tša Boleng bja Bophelo (www.gcro.ac.za/qolviewer). Go kgatha tema ga gago go bohlokwa le go feta.

Ge e ba o na le dipotšišo tša mohuta ofe goba ofe ka ga diphatišišo tše, o lokologile go ka ikgokaganya le lekala la tshedimošo la GeoSpace (081 073 2446; 071 041 0033), goba go ikgokaganya le nna thwii mo go (011) 717 7280 goba julia.dekadt@gcro.ac.za. Ge e ba o na le boipelaetšo goba dingongorego dife goba dife ka ga ditshepedišo tša maitshwaro tša dinyakišišo tše, o dumeletšwe go ikopanya le Komiti ya Maitshwaro go Dinyakišišo ka Batho ya Yunibesithi (E sego ya Kalafo) [University Human Research Ethics Committee] (Non-Medical), mogala +27(0) 11 717 1408, emeile Shaun.Schoeman@wits.ac.za.

Wa lena,

Ngaka Julia de Kadt (Quality of Life Survey Project Lead, Gauteng City-Region Observatory)